

بِسْمِ اللَّهِ الرَّحْمَنِ الرَّحِيمِ

## *Khutba Jummah*

**HADHRAT KHALIFATULLAH**

*Munir Ahmad Azim*

*30 Janvier 2015 ~  
(08 Rabi'ul Aakhir 1436 Hijri)*

***(Résumé Khutba)***

**Après ki li fine saluer tous so bane disciples (et tous bane musulmans) entier le monde par la salutation de paix en Islam, Hazrat Khalifatullah (atba) fine commence so Khutba Jummah comme d'habitude avec Tashahhud, Ta'uz, Surah Al Fatiha, et ensuite li fine dire:**

Pendant plusieurs siècles, l'histoire fine témoigne de bane inégalités ki l'homme fine inflige à li-même. Li dégrade dans ene mauvais façon certains de so bane semblables (bane dimounes couma li-même), tout en élevant bane les autres. De sa façon là, dimoune et dimoune fine séparé à travers le temps à cause couleur, race, croyance, culture et appartenance spécifique à zot bane groupes sociales et religieux. Certains fine vine supérieurs alors ki bane les autres fine vine inférieurs. Et bane inférieurs ti bizin conforme zot à bane souhaits et l'ordre de bane ki ti ena contrôle lors zot, parski si zot ti refuse pour faire quoi que ce soit, alors zot ti pé gagne punition et gagne encore plisse humiliation et dégradation. Bane prophètes d'Allah ti vini pou apporte ene changement dans sa l'état des choses là. Bane commandements d'Allah ti révélé pou apporte l'espoir dans la vie de bane ki la société considère couma inférieure et ki pas ena dignité et liberté pou exprime zot bane droits en tant ki bane êtres humains.

Bane prophètes d'Allah fine essaye de zot mieux pour apporte ene changement, mais à sak fois zot bane souhaits sincères fine écrasé ziska ki le plus grand sauveur de l'humanité fine née et fine promette pou créer ene nouveau monde kot tous dimounes bizin vivre couma bane égales, parski sa c'est le commandement absolu d'Allah (twf) ki fine créé tous bane êtres humains pareil, égale, sauf dans la piété, parski bane ki vraiment pieux, c'est bane ki réalise vraiment le but de la vie, et celui de zot propres créations et présence lors la terre. Sa l'espoir promis là fine vini dans ene pays kot l'espoir ti auparavant absent, kot bane z'hommes et bane femmes ti traité comme le pire de bane zanimo, kot ene telle société ti exister kot pas ti ena aucaine qualités humaines ki ti rester. C'est dans sa société là ki Allah fine choisir pou élève So plus grand prophète, le sceau des prophètes (dernier prophète ki

pou amène ene la loi (Quran)), pour accompli ene miracle en transformant la vie de sa bane peuples barbares là, et pou enseigne zot l'humanité, la moralité et la spiritualité.

Malheureusement, malgré bane signes évidents d'Allah, de l'Islam et du Prophète de l'Islam Hazrat Muhammad (saws), ki fine être envoyé et bane commandements d'Allah ki fine mette en exécution pour amène ene transformation dans la vie de sa bane peuples barbares là, et pou transforme zot et faire zot vine bane êtres humains ki vraiment rempli d'affection et ki ena la compassion et pou faire zot vine bane serviteurs d'Allah, et pourtant, malgré tout sa, l'Islam et so prophète fine toujours considéré avec mépris et la haine par certains dimounes ignorants – ki pas fine étudié le cœur même de la vie extraordinaire de sa dimoune parfait là, ki ti à la fois le meilleur parmi bane dimounes et aussi bane prophètes d'Allah – et sa bane dimounes ignorants là zot considère et accuse l'Islam et Hazrat Muhammad (saws) couma bane plus grands promoteurs de terrorisme.

Dans le contexte de l'abolition de l'esclavage ki commémoré à Maurice sak premier Février – et kot c'est ene congé publique – mo fine choisir pou cause avec zot d'ene allégation contre l'Islam et le Saint Prophète Muhammad (saws). Ena ene allégation ki l'Islam encourage l'esclavage, mais c'est ene fait ki l'Islam li le plus grand l'ennemi de l'esclavage, et fine mette ene terme à tous bane moyens ki réduire bane dimounes à ene telle l'esclavage ki ti exister longtemps dans bane jours pré-islamiques (avant l'Islam). L'Islam interdit pou fer bane dimounes réduire à l'esclavage, surtout bane dimounes ki capturé sans raison, ou simplement parski zot appartenir à ene tribu ou ene nation hostile ou ki fine vine prisonniers dans bane la guerres du monde.

Mais seulement li (l'Islam) permette seulement pour réduire à l'esclavage seulement sa bane prisonniers de guerre ki capturé dans ene guerre ki fine commencé par l'ennemi avec l'objectif pou fer bane dimounes renonce ou accepter ene religion à travers l'épée. Est-ce-ki nous capave douté ki ene telle tentative li ene infraction (à la loi) et ki mette bane ki coupables de sa en dehors de cadre de l'humanité?

Bane ki exprime zot mécontentement à l'idée ki ene dimoune arriver perdi so liberté physique, alors sa bane dimounes là bizin maziné ki ene dimoune ki puni de la sorte fine oulé, à l'aide de l'épée pour empêche bane dimounes par la force pou adore Allah et ki sa kalité dimoune là par sa moyen là essaye remette sa bane dimounes là zot l'âmes à Shaytane et fer zot fine esclaves de Shaytane. Si arriver li ti réussi dans so bane l'objectifs, alors des milliers et des centaines de milliers de bane dimounes ti pou forcé renonce la vérité et ti pou alle dans ene l'obscurité éternelle.

Est-ce ki ene tel dimoune mérite pou ré-gagne so liberté, excepté bien sûre si li répentir pour so bane actions et li regrette vraiment so conduite ? Ki été vraiment l'esclavage ? L'esclavage c'est en fait ene restriction de la liberté d'ene dimoune ziska séki li rempli so part de responsabilité concernant culpabilité ki ena lors so la tête et ki li paye so part l'argent de

bane dépenses de la guerre. Eski ena ene raison quelconque, sois morale ou politique ki interdit capture de bane prisonniers de guerre, et pou faire zot travaille?

Curieusement, aujourd'hui dimounes pé paraite considère comme permette et bon pou garde bane pays entiers dans liens de l'esclavage social, politique ou financier, jusqu'à séki zot en mesure pou paye zot quota de bane lourds indemnités de guerre, et pourtant l'emprisonnement de seulement sa bane dimounes ki fine trouver ki zot vraiment coupables, kot zot fine participe réellement et pleinement dans ene la guerre de sa genre ki mo fine fek mentionner avec ou là, ziska ki zot vine dans ene position pou zot paye zot parts respectifs de bane coûts de la guerre, alors sa bane dimounes ki soi-disant meilleurs juge de bane état des choses là, zot trouve sa traitement là condamnable et abusif et inhumain (pas humain), tandi ki sa bane prisonniers là c'était uniquement bane dimounes ki ti pé servi l'épée pou force bane dimounes pou renonce à la religion d'Allah, à la vérité ki vine de côté d'Allah.

En d'autres mots, zot ti pé empêche dimounes pou propage l'Islam et pou guide dimounes dans le droit chemin. Alors kan bane telles dimounes arrêter et vine prisonniers de guerre, le monde, surtout le monde non-islamique révolter à l'idée ki fine fer sa bane dimounes là bane prisonniers, bane « esclaves » (parski fine restreindre zot liberté) tandi ki sa bane même dimounes ki ti pé condamne sa pé rende bane pays en esclavage du côté sociale, politique ou financier. Zot pé handicape sa bane pays là pou ki sa bane pays là tombe dans zot lipié. Eski appelle sa vrai la justice ? Zot condamne ene soi-disant forme d'esclavage tandi ki zot-même pé pratique ene l'esclavage encore plus grand?

Islam prévoir ki sak prisonnier de guerre retenu en esclavage li en droit pou exige ki li rachète so liberté par paiement de so part proportionnelles de bane dépenses de guerre. Si, par conséquent, ene esclave pas préfère so esclavage à so liberté, alors kifer li, ou sois so bane parents, ou compatriotes, pas acheter so liberté en donnant paiement nécessaire à sa nation ki li fine opprime so religion là, et ki li ti rode détruire là, alors kifer zot pas rémette à sa nation là sa dette financier ki sa prisonnier de guerre là ena vis-à-vis sa nation ki li fine fer du tort là, kot li fine rode force li-même lors bane dimounes de sa nation là pou renonce ou accepter kit religion, pou amène zot loin avec le bon chemin ?

Contrairement du milieu de bane l'états d'esprits et stratégies militaire non-Islamique, l'Islam même ki fourni pli joli et jugements pli juste pour tout dimounes, ki li pour bane innocents et aussi pour bane coupables. Dans l'Islam, bane coupables ki retenu comme prisonniers de guerre, en d'autres mots, l'esclavage, alors sa bane prisonniers là zot gagne bane options claires afin pou ré-gagne zot liberté. Zot bien traités pendant zot captivité, ziska ki sa bane prisonniers là ou zot familles ou nation donne le paiement approprié pour zot liberté. L'esclavage au sens propre pou tenir dans la servitude bane dimounes innocents et pou prive zot de zot bane droits humains fondamentales li clairement inhumain et sa bien condamnable dans l'Islam. L'Islam fer le tout pour le tout pou protège droits de sak dimoune dans la société, bane musulmans ainsi ki bane non-musulmans. Mais si bane dimounes

essaye créer bane problèmes et rode servi l'épée pour empêcher bane les autres dimounes pour réaliser la vérité d'Allah, et rode nuire sa bane dimounes innocents dans sa la lutte là, et zot rode donne ene mauvais l'image de l'islam, alors bane la lois de l'islam intervenir pou mette sa bane kalité dimounes là dans zot place et pou faire zot goûte bane fruits (résulta) de zot bane actions ziska ki zot donne paiement ki bizin pou ré-gagne zot liberté – pareil couma pour n'importe ki criminel dans n'importe ki cour de justice dans le monde ki ena pou paye le prix de so crime soit par ene nombre donné d'années d'emprisonnement, ou d'emprisonnement à vie ou même la peine capitale – « *condamner pou pendi ziska la mort!* » (ou sois la mort lors chaises électriques). Si bane les autres nations applique sa bane types de traitements là pour zot bane criminels, et si li arrive ki lors territoire de bane musulmans, ene non-musulman fine rentre lors territoire (ou même ene citoyen non-musulman) afin pou nuire à la religion de l'islam et pou dévier bane musulmans, eski la cour de justice musulmane péna le droit pou rendre la justice approprié ? Eski c'est alors l'islam et bane musulmans ki à blâmer ou bane dimounes derrière sa bane mauvais stratégies là?

Le monde pé évoluer à toute vitesse, mais bane droits fondamentales à la liberté de religion et de la foi fine écrazé enba lipié dimounes, et l'islam reste toujours la cible de tant de haine. Malgré bonne foi de l'islam pour promouvoir bane droits de dimounes dans meilleur façon ki sois pareil couma le Dieu de toute l'humanité fine commandé (c'est-à-dire, Allah), mais l'islam contigné gagne toutes sortes kalité critiques pour beaucoup de bane mauvais actions ki dimounes prend sa couma bane actions diaboliques, tandi ki sa bane accusateurs là zot-mêmes zot lécorps rempli ziska la gorge avec sa bane même accusations ki zot jette lors l'islam là, et alors sa bane ki accuse l'islam là injustement, zot-même zot gagne inévitablement ene mauvais nom. Alors kifer bizin blâme l'islam, le Saint Prophète Muhammad (saws) et bane musulmans et kifer bizin froncer sourcils lors bane commandements d'Allah ki trouve dans le Quran, kan sa bane même dimounes là pé mette au point bane tels stratégies visant à rétablir l'ordre au sommet afin ki bane criminels capave être sévèrement punis pour zot bane actes. Kifer blâme l'islam, Allah (le Dieu) du Quran ki Li fine élabore sa bane la lois parfait là, kan sa bane dimounes là-même zot pé zot-mêmes secrètement suivre bane la lois Quran pou résoudre plusieurs de bane mals (ou problèmes) de sa le monde là ? Zot copiye bane la lois Quran et faire sa passe pour zot la lois, tandi ki Allah et So Prophète (saws) fine déza pose bane bases de tous bane solutions et égalités de sorte ki tous bane dimounes capave vivre en paix et harmonie et ki bane vrais coupables tout seuls ki puni, et (dans certains cas) plus tard pardonner pour zot bane comportements.

L'islam représente perfection de la religion, le sommet parfait de la liberté de la foi et de la religion. Li invite à l'égalité de l'homme et de la femme; sakaine ena so rôle pou remplir, et ni ene ni l'autre zot pas esclaves de zot camarades. Si ou ene employé, alors ena ene employeur ki pé paye ou, mais la beauté de l'islam c'est ki sa employeur là, malgré salaire ki li pé paye ou bizin conne respecter ou comme ene être humain et donc zot bizin traite ou dans ene façon bien décent. Ou ene employé, pas ene esclave. Ou ena bane droits, et ou capave servi sa pour faire entendre ou la voix. Islam fine donne ou sa droit là, et doucement doucement,

c'est une réalité sa ki la société mondiale pé rode imite bane l'enseignements du Quran afin pou refléter so bane la lois et bane droits dans so constitution. L'Islam li pour toute l'humanité, pas seulement pour bane musulmans, mais bane ki ena vraiment la crainte d'Allah et ki pieux, c'est sa bane là ki bénéficié vraiment de la majorité de bane vérités et actualités ki trouve dans Quran, parski Quran li ene la source perpétuelle de lumière et de guidance pour toute l'humanité.

Ki Allah guide ki ou, ki moi et ainsi ki l'humanité dans so l'ensemble pou respecter bane droits de bane les autres dimounes, de bane innocents, bane ki bane opprimés et victimes innocents de bane mauvais plans de bane dimounes seulement à cause sa bane dimounes là zot gourmand pour gagne bane richesses temporaires de sa le monde là. Ki ene territoire été et ki so valeur été si kan ou gagne li, sa fer ou perdi vraie la foi avec quoi ou ti né dans sa le monde là ? L'égalité dans la soumission à Allah le Tout-Puissant ti zot constitution Oh dimoune, alors kifer ou fine bizin change sa constitution là pour établir ou bane passions et ensuite vende sa à bane les rois (et chefs) mondaine ki gourmand de sa le monde temporaire là ? Pas vine bane esclaves de zot bane passions inutiles; apprane pou cultiver passion pour la dévotion à Allah, nous *Rab* ki pas demande nannié de ou excepté ene promesse éternelle ki ou reste pou Li pour tous les temps. Ki ou adore Li et pas trahir Li !

Ki Allah permette nous pou respecter le Quran et tous so bane commandements et pou aide sa société moderne là pour réalise la beauté du Quran et de l'Islam. *Ameen, Soumma Ameen, Ya Rabbal Aalameen.*